

# Štiglmajer o briselskim rokovima

## Odglađanje ukidanja viza ne bi bilo fer prema BiH

Ako Evropska komisija (EK) konačnu ocjenu o ispunjenosti uvjeta za ukidanje viza bude dala sredinom aprila, tehnički je teško izvodivo da se BiH nađe na bijeloj šengen listi od prvog jula. Tada bi to realno bilo izvodivo od kraja oktobra.

Na to je u izjavi našem listu upozorila Aleksandra Štiglmajer (Alexandra Stiglmayer), direktorica projekta Evropske inicijative za stabilnost (ESI) „Bijela šengen lista“.

- Ako postoji politička volja, moguće je ubrzati cijelu proceduru koja prethodi ukidanju viznog režima, počev od skraćivanja rokova ekspertima da završe svoje izvještaje s terena. EK može već krajem marta završiti svoj konačni izvještaj i odmah nakon toga dati i prepo-



**Štiglmajer:**  
*EU ne želi narušiti ugled*

ruku za ukidanje viza, naravno, ako izvještaj bude pozitivan - dodala je Štiglmajer.

Ona je navela kako BiH ima prijatelja u EU koji su već najavili da će insistirati na ubrzanju procedure.

- Također, ne vjerujem ni u kakve teorije zavjere protiv BiH. Očito EK želi raditi

svojim ustaljenim tempom, koji je spor i ne respektira obećanja iz političke deklaracije iz oktobra 2009. godine kada je poručeno da se BiH i Albaniji vize moraju ukinuti što je moguće prije.

Odglađanje ukidanja viza za oktobar ili novembar ne bi bilo fer, pogotovo ako znamo napore koje je BiH uložila da bi ispunila sve uvjete. Takvo nešto štetilo bi ugledu EU, rekla je Štiglmajer. **S. Š.**